



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vnser L. Frawen Kindbethschatz

Cölln, 1660

Von dem Decklein.

[urn:nbn:de:hbz:466:1-46834](https://nbn-resolving.org/urn:nbn:de:hbz:466:1-46834)

stück wir bald vberkommen ein lauterer
reines hertz / daß vnser edles Kindlein sau-
ber lige / vnd wol bereit sey.

Von dem Decklein.

Im andern bedarff man eines Deck-
leins / das ist die Liebe. Wollen wir
nun das Kindlein warm lägen / vnd ma-
chen daß es bey vns bleibe / so sollen wir es
bedecken mit der Liebe. Dieweil wir aber
dem Kindlein nicht gnugsam können er-
zeigen die werck der Liebe / so wil es doch
haben / daß wir die Liebe beweisen vnd er-
zeigen allen seynen Gliedern. Die Liebe
bedeckt den Hertz / der da gesprochen hat:
Was ihr einem auß meinen allergeringsten
thut / das habt ihr mir gethan.

S. Petrus der Apostel bezeugt / daß
die Lieb die sünd bedecke / da er spricht:
Für allen dingen ermahne ich euch / daß ihr
Liebe gegen einander habt / dann die Liebe be-
deckt die viele der sünd. Daß aber das kind-
lein desto warmer lige / so magst du ihm
auch ein pelzenes decklein machen / die
Pelz aber macht man auß Wollen der
ein

einfältigen Schaff. Darumb gehört zu
 der obgemelten Liebe / daß sie geschehe auß
 einfältigem hertzen / daß sie nit sich selbst /
 sondern allein den suche / welchen sie lieb
 hat / das ist / den Herrn Jesum vmb wel-
 ches willen sie alles thun soll / dann die Lie-
 be suchet nicht das ihre.

Von dem Wiegenband.

Im dritten ist hie von nöhten eines
 Wiegenbands / damit man das kind-
 lein in der Wiegen zubinde / daß es nicht
 herauß falle / vnd keinen schaden empfa-
 he. Ist dir nun gelungen / hast du das edle
 Kindlein Jesum vberkommen / hast du
 nun den Herrn aller Herrn bey dir / so ist
 dir hoch von nöhten / daß du behutsam
 seyest mit deinen fünff sinnen / vnd in al-
 lem deinem leben / daß du dein hertz behü-
 test / damit du diesen elenden Schaz nicht
 verlierest : darzu aber gehöret gar ein gu-
 ter fleiß. Vnd also wird diß edle Kindlein
 nidergelägt in das Wieglein / vnd mit der
 behutsamkeit darein gebunden.